



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Opštinom Rudo

Izveštaj o održanom četvrtom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Opštini Rudo

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Opštinom Rudo, u ponedjeljak (13. novembra, 2023. godine) od 9 do 13 sati održan je četvrti mentorski sastanak za zainteresovane predstavnike/ice organizacija civilnog društva (OCD). Mentorski sastanak održan je u Maloj sali Doma kulture i bio je prilika da predstavnici/ce OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Na četvrtom mentorskom sastanku prisustvovalo je ukupno šest učesnika/ca (6Ž) i to četiri predstavnika/ce OCD i dvije UN volonterke.

Na početku mentorskog sastanka, učesnicima je ponovno pojašnjena uloga mentora/ice i svrha održavanja mentorskih sastanaka. Fokus posljednjeg mentorskog sastanka bio je na pripremi projektnog prijedloga, odnosno njegove usklađenosti sa ranije pripremljenom logičkom matricom i budžetom projekta. Mentorica je prisutnim predstavnicima/cama organizacija civilnog društva kako projektni prijedlog mora korespondirati sa logičkom matricom i budžetom, odnosno da projektni prijedlog predstavlja detaljan opis i pojašnjenje ovih dokumenata.

Mentorica je istakla kako u projektnom prijedlogu organizacije trebaju opisati sam problem koje žele riješiti ponuđenim projektnim prijedlogom, odnosno potrebu ciljne grupe kojoj je projekat namijenjen za njegovu implementaciju. Podsjetila je kako projekat zapravo predstavlja rješenje određenog problema, te da on ne smije zadovoljiti potrebe organizacije niti predstavljati njene redovne aktivnosti. Naglasila je kako u projektnom prijedlogu posebno treba biti opisana ciljna grupa i to na način da ona bude razvrstana na direktne i indirektno korisnike. Pojasnila je da su direktni korisnici osobe koje će direktno biti uključene u projektne aktivnosti, a indirektni korisnici su osobe koje će na indirektni način imati korist od projekta. S ciljem detaljnog pojašnjenja navela je primjer ekonomskog osnaživanja žena, pojašnjavajući kako su žene koje će na primjer proći obuku osnivanja biznisa direktne korisnice, dok su članovi njihovih porodica indirektni korisnici. Istakla je kako ciljna grupa (i direktni i indirektni korisnici) treba biti razvrstana po spolu i dobi, te posebno trebaju biti naznačeno oni koji pripadaju socijalno isključenim kategorijama stanovništva (nezaposlene žene, pripadnici manjinskih grupa, mladi i sl.).

Tokom sastanka fokus je bio na detaljnom opisu aktivnosti i budžeta. Mentorica je istakla kako sve aktivnosti koje su definisane i pobrojane u logičkoj matrici u projektnom prijedlogu moraju biti opisane. Za primjer je opet koristila ekonomsko osnaživanje žena, odnosno održavanje edukacije za pokretanje biznisa. Jedna od aktivnosti je održavanje edukacija o pokretanju biznisa. U ovom dijelu

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



potrebno je naglasiti koliko edukacija će biti održano u toku trajanja projekta, koliko će trajati jedna edukacija, šta su obaveze edukatora (npr. izrada kurikuluma, izrada priručnika), obezbjeđenje prostora uz tehničku opremu i osvježenje.

Kada je riječ o budžetu, mentorica je naglasila da budžet u projektnom prijedlogu treba biti opisan, a nikako prekopiran. Naglasila je da opis podrazumijeva detaljno obrazloženje potrebe za određenim troškom, uz navođenje jedinice mjere koja će se koristiti, cijene po jediničnoj mjeri, broj sati angažmana određene osobe. Istakla je da sve naknade, kada je riječ o angažmanu i ljudskih resursa i eksperata, mora biti prikazan u bruto iznosu. Kada je riječ o nabavci robe, usluga i radova oni moraju biti prikazani sa svim pripadajućim porezima.

Na kraju sastanka mentorica je prisutne podsjetila na rok i način predaje projektnog prijedloga. Ispunjena aplikacija sa kompletnom zahtijevanom dokumentacijom u Javnom pozivu mora biti dostavljena u jednoj elektronskoj kopiji i jednoj printanoj verziji. Projekat mora biti dostavljen u zatvorenoj koverti ili lično na adresu: Opština Rudo, Ulica Đenerala Draže Mihailovića br. 41, 73260 Rudo, najkasnije do 15. novembra do 15 sati.

U svrhu transparentnosti, svi zapisnici, uključujući i ovaj, sa održanih sastanaka sa mentorom/icom će biti objavljeni na stranici Opštine Rudo. Na ovaj način bit će omogućeno da informacije budu dostupne za OCD koje nisu bile u mogućnosti da prisustvuju sastancima sa mentorom.